

TITULUS QUAETUS

DE COMMUNICATIONIBUS OFFICIALIBUS

66. Quivis Ordinarius statim ac aliquam de sollicitationis criminis denuntiationem acceperit, id S. Officio significare nunquam omittat. Et si forte agatur de sacerdote sive saeculari sive religioso in alieno territorio residentiam habente transmittat insimul (ut iam supra n. 31 dictum est) ad Ordinarium loci, ubi denuntiatus actu commoratur vel, eo non cognito, ad S. Officium authenticum ipsius denuntiationis exemplum cum diligentiss, quo meliori modo peragi potuerint, atque opportunis informationibus et declarationibus.

*documents sent*

67. Quivis Ordinarius qui adversus aliquem sacerdotem sollicitantem rite processerit, Sacram Congregationem Sancti Officii et, si de religioso res sit, Superiorum quoque eius Generalem de causae exitu certiorem facere ne omittat.

68. Si quis sacerdos de sollicitationis criminis damnatus vel etiam tantum admonitus in aliud territorium suam residentiam transferat, Ordinarius *a quo moneat quamprimum Ordinarium ad quem* de illius praecedentibus et statu iuridico.

69. Si quis sacerdos in causa sollicitationis suspensus ab audiendis sacramentalibus confessionibus haud vero a sacra praedicatione in alienum territorium ad praedicandum forte se conferat, commonefiat a proprio ipsius Praelato, sive saeculari sive religioso, huius territorii Ordinarius, eum non posse ad sacramentales confessiones excipendas adhiberi.

70. Hae omnes officiales communicationes *sub secreto Sancti Officii* semper facienda erunt; cumque ad commune Ecclesiae bonum maxime intersint, *praeceptum eas faciendi obligat sub gravi.*

TITULUS QUINTUS

DE CRIMINE PESSIMO

71. Nomine criminis pessimi heic intelligitur quodcumque obscenum factum externum, graviter peccaminosum, quomodocunque a clero patratum vel attentatum cum persona proprii sexus.

72. Quae de crimine sollicitationis hucusque statuta sunt, valent quoque, mutatis tantum pro rei natura necessario mutandis, pro *crimine pessimo*, si quis forte clericus penes loci Ordinarium de eo (quod Deus avertat) accusari contingat, excepta obligatione denunciationis *ex lege Ecclesiae positiva*, nisi forte ipsum fuerit cum crimen etiam sollicitationis in confessione sacramentali coniunctum. In poenis vero contra huiusmodi delinquentes decernendis, praeter ea quae supra dicta inveniuntur, habeatur insuper prae oculis Canon 2359, § 2.

73. Crimini pessimo, pro effectibus poenalibus, aequiparatur quodvis obscenum factum externum, graviter peccaminosum, quomodocunque a clero patratum vel attentatum cum impuberibus cuiusque sexus vel cum brutis animantibus (*bestialitas*).

74. Contra clericos reos horum criminum, si sint religiosi exempti, et nisi simul concurrat crimen sollicitationis, procedere possunt, iuxta ss. Canones et proprias Constitutiones, sive administrativo sive judiciali modo, etiam Superiores Regulares; qui tamen datam sententiam semper, et decisionem administrativam in casibus gravioribus, cum Suprema S. Officii Congregatione communicare debent. Superiores vero religiosi non exempti procedere tantum possunt modo administrativo. In casu expulsionis rei a religione, expulsio effectu carebit donec adprobata fuerit a S. Officio.

EX AUDIENTIA SS.MI DIE 16 MARTII 1962

SS̄mus Dominus Noster Ioannes Papa XXIII in audien-  
tia Emo Cardinali Secretario S. Offici die 16 martii 1962  
impertita, Instructionem hanc adprobare et confirmare di-  
gnatus est, mandans ad quos spectat ut eam ad unguem  
servent et servare faciant.

Romae, ex Aed. S. C. die 16 Martii 1962.

Loco ☺ Sigilli

A. Card. OTTAVIANI

## APPENDIX

### FORMULAE PRO OPPORTUNITATE ADHIBENDAE

*(omissis aliis quae apud Auctores passim reperiuntur)*

## Formula A

### Formula iurisiurandi de munere fideliter exercendo ac de secreto S. Officii servando

In nomine Domini.

Ego . . . . . constitutus coram . . . . . tactis Sacrosanctis Dei Evangeliiis coram me positis, iuro et promitto me fideliter exercere munus . . . . Item sub poena excommunicationis latae sententiae ipso facto et absque alia declaratione incurriendae, a qua, praeterquam in articulo mortis, a nullo nisi a Summo Pontifice, ipso quidem Cardinali Poenitentiario excluso, absolvi possim, et sub aliis poenis etiam gravissimis, arbitrio Summi Pontificis mihi in casu transgressionis infligendis, spondeo, voveo ac iuro, inviolabile secretum me servaturum in omnibus et singulis quae mihi in praefato munere exercendo occurrerint, exceptis dumtaxat iis quae in fine et expeditione huius negotii [vel: horum negotiorum] legitime publicari contingat; et hoc secretum me absolute et omnino servaturum cum omnibus qui in huius eiusdem negotii tractatione legitimam partem non habent [vel: qui eodem iurisiurandi vinculo constricti non sint]; neque unquam directe vel indirecte, nutu, verbo, scriptis, aut alio quovis modo et sub quocumque colorato praetextu, etiam majoris boni aut urgentissimae et gravissimae causae, contra hanc secreti fidem quidquam commissurum, nisi peculiaris facultas aut dispensatio expresse mihi a Summo Pontifice tributa fuerit.

## Formula B

### Formula abiurationis<sup>1</sup>.

Ego (*nomen, cognomen etc. abiurantis, qui si Religiosus fuerit, addat nomen etc. quo utebatur in saeculo*) filius (*nomen patris*) aetatem agens annorum . . . . personaliter constitutus in iudicio et genuflexus coram Te (*nomen, cognomen, qualitates etc. illius qui abiurationem est recepturus*), coram me habens ac tangens mea manu Sacrosancta Evangelia et sciens neminem posse salvari nisi credit quod tenet, credit, praedicat, profitetur et docet Sancta Catholica et Apostolica Romana Ecclesia, confiteor et doleo me contra ipsam graviter errasse per abusum et profanationem Sacramenti Poenitentiae [et per falsi dogmatis professionem ac doctrinam].

Nunc dolens ac poenitens praedictorum [errorum nec non haerescon, persuasus de eorum falsitate et de veritate Sanctae Fidei Catholicae], eadem omnia cum corde sincero et fide non facta abiuro ac detestor [sicuti generatim omnes alios errores atque haereses Sanctae Catholicae et Apostolicae Romanae Ecclesiae contrarias] atque insimul humiliter accipio et fideliter me impleturum promitto omnes poenitentias mihi a R. P. D. . . . impositas vel imponendas: et quod si in aliquo hisce meis promissis et iuramentis (quod Deus avertat) non stetero, me subicio omnibus poenis et castigationibus, quae a sacris canonibus et aliis generalibus Constitutionibus contra ita delinquentes statutae ac promulgatae sunt. Sic me Deus adiuvet et haec Sancta Eius Evangelia, quae propriis meis manibus tango.

Ego . . . . praedictus abiuravi, iuravi, promisi et me obligavi ut supra, et in veritatis fidem huic syngraphae abiurationis meae

<sup>1</sup> Quae inter parentheses quadratas inclusa sunt, addantur in casu tantum quo abiurans non solum de sollicitatione sed *de falso dogmate* quoque reus convictus fuerit.

quam ad verbum recitavi, subscripsi mea manu (*hic notetur locus  
in quo abiuratio est facta*).

Hac die . . . mensis . . . anni . . .

*Subscriptio*

*Post absolutionem impertitam, qui abiurationem recepit et  
absolutionem dedit hic se subscribet eo modo ut in sequenti For-  
mula C notatur.*

## Formula C

ss  
li

### Formula absolutionis

*A poenitente utroque genu flexo et, tactis prius Ss. Dei Evangeliorum, formula abiurationis lecta atque subscriptione munita, absolvens, saltem stola violacea induitus, sedens recitatit Ps. Miserere vel De Profundis cum Gloria Patri.*

sg  
p  
cr  
p  
st  
p  
d  
e  
a

*Deinde stans dicet :*

Kyrie, eleison. Christe, eleison. Kyrie, eleison.

Pater noster, secreto usque ad

v. Et ne nos inducas in temptationem.

r. Sed libera nos a malo.

v. Salvum fac famulum tuum, Domine.

r. Deus meus sperantem in Te.

v. Domine exaudi orationem meam.

r. Et clamor meus ad Te veniat.

v. Dominus vobiscum.

r. Et cum spiritu tuo.

g  
a

### OREMUS

Deus, cui proprium est misererri semper et parcere, te supplices deprecamur, ut hunc famulum tuum, quem excommunicationis<sup>1</sup> catena costringit, miseratio tuae pietatis clementer absolvat. Per Christum Dominum nostrum. r. Amen.

*Postea, iterum sedens, poenitentem adhuc coram se genu flexum absolvat his verbis :*

Auctoritate Apostolica qua fungor in hac parte, abservo te a vinculo Excommunicationis, quam [forte] incurristi, et restituo te

<sup>1</sup> Si de haeresi tantum suspicione (ut plerunque fieri solet) abluratio facta fuerit, addatur hic adverbium « forte ».

sacrosanctis Ecclesiae Sacramentis, Communione et Unitati fide-  
lium, in Nomine Patris  $\text{\textcircled{B}}$  et Filii, et Spiritus Sancti. N. Amen.

*His actis, qui absolutionem impertitus est, poenitenti imponat  
salutares poenitentias (ut plurimum recitandi determinatas preces,  
peragendi piam aliquam peregrinationem vel alia pietatis opera  
complendi, servandi peculiare ieiunium, erogandi eleemosynas in  
pios usus etc.), ac tandem abiurationis formulam tunc et ipse sub-  
scribat hoc modo:*

[In executionem ordinum R. P. D. (*nomen etc. delegantis*)] su-  
pradictus (*nomen etc. poenitentis*) fuit per me [delegatum] expe-  
ditus cum abiurazione de (e. g. formalis, *vel* vehementis, *vel* levi)  
et poenitentiis salutaribus in forma Ecclesiae consueta, his die et  
anno praedictis.

Ita est. Ego (*subscriptio solventis*)

[*Delegatus abiurationis formulam directe ad Eum a quo dele-  
gationem accepit transmittet una cum instructione, literis acceptis  
aliisque, si quae habeat, nihil omnino apud se retinendo*].

## Formula D

### Formula delegationis ad recipiendam denuntiationem

..... die .....

Nos ..... his Literis delegamus ..... ad recipiendam [absque interventu Notarii], sub secreto S. Officii et iuxta adnexam instructionem, denuntiationem quam facere intendit innominata persona.

L. ☐ S.                    Subscriptio Ordinarii loci delegantis  
(Literis adnectitur Formula E)

## Formula E

### Modus recipiendi denuntiationem in re ad sollicitationem spectante<sup>1</sup>

*Notarius, si adest, secus qui denuntiationem recepturus est in-  
cipiet actum his vel his similibus verbis:*

Die . . . Mense . . . . . Anne . . .

Sponte personaliter comparuit coram infrascripto (scriban-  
tur nomen, cognomen etc. illius qui actum est recepturus, qui,  
si notarius non adsit, scribat: coram me infrascripto) sistente in  
(notentur locus et dioecesis ubi reperitur qui actum est recepturus)  
[ad hunc actum tantum a R. P. D. . . . . specialiter delegato,  
prout ex Eiusdem literis [mihi] directis et datis sub die (exprima-  
tur quo die ipsi literae fuerint scriptae) praesenti positioni alligan-  
dis], N. N. (scribantur nomen, cognomen, nomen patris, patria,  
aetas, conditio et habitatio personae denuntiantis; et si haec reli-  
giosa fuerit, etiam nomen, quo in saeculo vocabatur) cui delato  
iureiurando de veritate dicenda, quod praestitit tactis Ss. Dei  
Evangelii (quae manu tangere, etsi Sacerdos, debet) exposuit  
prout infra, videlicet:

*Hic persona denuntians vernaculo sermone [declarare debet,  
se scire obtentam esse ab Ordinario loci facultatem recipiendi absque  
interventu notarii quod ad suam conscientiam exonerandam expo-  
situra est, propterea quia iustis de causis eidem Revmo Antistiti se  
sistere nequit: deinde] narrare continuo debet, discretis tamen  
castigatisque verbis, quae ad sollicitationes ei factas attinent seu*

<sup>1</sup> Quae inter parentheses quadratas inclusa sunt valent in casu quo denuntiatio  
a delegato recipiatur, vel, respective, absque interventu notarii.

Si delegatus autem, gravi de causa significanda, hunc modum recipiendi de-  
nuntiationem servare non possit, recurrit pro instructione ad Eum a quo delega-  
tionem accepit.

*verba fuerint, seu scripta, seu actus, accurate describendo locum, tempus, occasionem, vices et singula adiuncta, nec non utrum in actu confessionis an prius vel post sacramentalem absolutionem ea evenerint. Nominare debet confessionalem sedem et ipsum Confessarium sollicitantem, et quatenus huius nomen et cognomen aut ignoret aut obliata fuerit, describet accurate illius personam, omnes distincte characteres notando, ita ut ille recognosci possit. Animadvertisat qui denuntiationem recipit, non esse interrogandam personam denuntiantem, utrum consensum ad actum turpem quocumque modo praestiterit vel recusaverit, cum ipsa ad suos defectus manifestandos non teneatur; immo denuntians expresse moneatur se non teneri ad consensum forte praestitum manifestandum. Hisce scriptis prout narrantur, et, quantum possibile, iisdem denuntiantis verbis, quae sequuntur, neque aliud praeterea quidpiam requiratur.*

*Interrogata: An sciat, vel dici audierit, dictum N. N. (nominando personam) Confessarium sollicitasse alias poenitentes ad turpia?*

*Respondit: (Si responsio affirmativa fuerit, nomen et cognomen personarum sollicitatarum exquireret et causam scientiae).*

*Interrogata: De fama supradicti Confessarii N. N. tam apud se quam apud alios?*

*Respondit: . . . .*

*Interrogata: An odio vel amore praefata deposuerit, et super inimicitia, aliisque generalibus etc.*

*Respondit: Recte (si ad propriam conscientiam exonerandam denuntiassse se dicet).*

*Si a sollicitatione plus uno mense praeterlapsum fuerit, addatur insuper:*

*Interrogata: Cur tamdiu distulerit praefata denunciare proprio Ordinario, et conscientiam suam exonerare?*

*Respondit:*

*Quibus omnibus absolutis, perlegantur personae denuntianti omnia quae scriptis tradita sunt, vel, iusta de causa in tabulis exprimenda, instrumentum ei tradatur ut secum ipsa illud legat coram eo qui denunciationem recepit; omnibusque ab ea probatis et acceptatis, una cum correctionibus, additionibus et lituris, si quae*

*sint, invitetur ad subscribendum, ac delato ei iureiurando de secreto servando, dimittatur.*

*Quae omnia describentur his verbis :*

Quibus habitis et acceptatis, denuntians dimissa (vel dimissus) fuit iurata (vel iuratus) de secreto servando iterum tactis Ss. Dei Evangelii (super Evangelium iterum iurabit); et in confirmationem praemissorum se subscrispsit (vel si scribere nequeat: cum scribere, prout asseruit, non posset (notetur causa), fecit signum Crucis).

*Postquam denuntians hic se subscriperit vel Crucis signum fecerit, subscribet se notarius, si adfuerit, hoc modo :*

Acta sunt haec per me N. N. notarium (et si ad hunc actum tantum fuerit assumptus: ad hunc actum tantum assumpatum).

*Tandem se subscribet qui denuntiationem recepit.*

L. ☩ S.

*Si vero notarius non adfuerit, tunc qui denuntiationem recepit se subscribet hoc modo :*

Acta sunt haec per me N. N. [a R. P. D. N. N. ad hunc actum tantum specialiter delegatum].

[*Delegatus integrum deinде actum directe ad Eum a quo delegationem accepit transmittet una cum instructione et literis acceptis, nihil omnino apud se retinendo*].

## Formula F

### Formula delegationis ad diligentias peragendas

#### A) AD PERAGENDAS DILIGENTIAS INTEGRAS

..... die .....

Nos ..... rogamus Te ut consuetas diligentias peragendas cures iuxta adnexam instructionem circa denuntiationem factam a (e. g. muliere *vel* mulieribus) . . . . .

contra sacerdotem . . . . .

interrogando separatim, formiter et sub iuramento de veritate dicenda et de secreto servando, duos testes, quantum fieri poterit ex coetu ecclesiastico, utcumque vero omni exceptione maiores, qui bene noverint tum denuntiatum, tum denuntiantem (*vel*, si denuntiantes plures numero fuerint, omnes et singulos denuntiantes). Quod si invenire nequeas duos tantum testes qui noverint una simul denuntiatum et omnes et singulos denuntiantes, plures vocabis, tot nempe, quot oportebit ut duplex quoad denuntiatum et unamquamque (*vel* unumquemque) denuntiantem habeatur testimonium.

Actorum vero authenticum exemplar ad Nos directe tutaque via transmittes, una cum instructione et his literis, nihil omnino apud Te retinendo.

L.  S.

*Subscriptio Ordinarii loci delegantis*

(Literis adnectitur Formula G)

#### B) AD PERAGENDAS DILIGENTIAS DIMIDIATAS

..... die .....

Nos ..... rogamus Te ut iuxta adnexam instructionem diligentias instituas circa (e. g. mulierem *vel* mulieres) . . . . .

interrogando separatim, formiter et sub iurejurando de veritate dicenda et de secreto servando duos testes, quantum fieri poterit, ex coetu ecclesiastico, utcumque vero omni exceptione maiores, qui (*e. g.* ipsam mulierem *vel* mulieres) propius noverint.

Actorum vero authenticum exemplar ad Nos directe tutaque via transmittes, una cum instructione et his literis, nihil omnino apud Te retinendo.

L. H. S. *Subscriptio Ordinarii loci delegantis*  
*(Literis adnectitur Formula H)*

## Formula G

### Modus diligentias integras peragendi<sup>1</sup>

Die . . . Mense . . . Anno . . .

Vocatus (*vel vocata*) personaliter comparuit coram me infra-  
scripto (*scribantur nomen, cognomen etc. illius qui actum est con-  
fecturus*) sistente in (*notentur locus et dioecesis ubi ipse reperitur*)  
[ad hunc actum tantum a R. P. D. . . . . specialiter delegato,  
prout ex Einsdem literis mihi directis et datis sub die . . . (expri-  
matur *qua die ipsi literae scriptae fuerint*) praesenti positioni al-  
ligandis].

N. . . N. . . . (*nomen, cognomen et qualitates testis con-  
venti*) qui (*vel quae*), delato ei iureiurando de veritate dicenda, quod  
praestitit (*etiam si Sacerdos*) tactis Ss. Dei Evangelii, fuit per  
me . . .

1. *Interrogata*: Utrum noverit Sacerdotem N. . . N. . . . (*no-  
men, cognomen et qualitates denuntiati*).

*Respondit*: . . . . . (*scribatur lingua qua utitur testis, eius  
responsio*).

2. *Interrogata*: Quaenam sit huius Sacerdotis vitae ratio, quinam  
mores, quaenam penes populum existimatio?

*Respondit*: . . . . .

3. *Interrogata*: Utrum noverit N. . . N. . . . (*nomen, co-  
gnomen et qualitates denuntiantis vel, si plures, uniuscuiusque  
earum vel eorum*).

*Respondit*: . . . . .

4. *Interrogata*: Quaenam sit eius (*uniuscuiusque earum vel eo-  
rum*) vitae ratio, quinam mores, quaenam penes populum existi-  
matio?

<sup>1</sup> Quae inter parentheses quadratas inclusa sunt valent in casu quo diligentiae  
a delegato peragantur.

*Respondit: . . . . .*

5. *Interrogata:* Utrum eam vel eum (eas vel eos) censeat fide dignam vel dignum (dignas vel dignos) vel contra mentiendi, calumniandi in iudicio et etiam peierandi capacem (capaces) existimet?

*Respondit: . . . . .*

6. *Interrogata:* Utrum sciat, num forte inter eam vel eum (eas vel eos) et praefatum Sacerdotem ulla unquam extiterit odii vel inimicitiarum causa?

*Respondit: . . . . .*

Tunc, acto testi debite perfecto delatoque ei iureiurando de secreto servando, quod praestitit ut supra, dimissus (*vel dimissa*) fuit, et antequam discederet, in confirmationem praemissorum se subscrispsit (*vel si scribere nequeat*: cum scribere, prout asseruit, non posset (*notetur causa*), fecit signum Crucis).

*Postquam testis hic se subscriperit vel signum Crucis fecerit, subscribet se qui testimonium recepit hoc modo:*

Acta sunt haec per me N. N. [a R. P. D. N. N. ad hunc actum tantum specialiter delegatum].

L. ☩ S.

[*Delegatus deinde actum directe ad Eum a quo delegationem accepit transmittet una cum instructione et literis acceptis, nihil omnino apud se retinendo*].

## Formula H

### Modus diligentias dimidiatas peragendi<sup>1</sup>

Die . . . . Mense . . . . Anno . . . .

Vocatus (*vel* vocata) personaliter comparuit coram me infra-scripto (*scribantur nomen, cognomen etc., illius qui actum est conjecturus*) sistente in (*notentur locus et dioecesis ubi ipse reperitur*) [ad hunc actum tantum a R. P. D. . . . . specialiter delegato, prout ex Elusdem literis mihi directis et datis sub die (*exprimatur quo die ipsi literac scriptae fuerint*) praesenti positioni alligandis]. N. . . . N. . . . . (*nomen, cognomen et qualitates testis conventi*) qui (*vel* quae), delato ei iureiurando de veritate dicenda, quod praestitit (*etiam Sacerdos*) tactis Ss. Dei Evangelii, fuit per me.

1. *Interrogata*: Utrum noverit (*e. g.* mulierem) N. . . . N. . . . ? (*nomen, cognomen et qualitates personae indicatae*).

*Respondit*: . . . . . (*Scribatur lingua qua utitur testis, eius responsio*).

2. *Interrogata*: Quaenam sit eius vitae ratio, quinam mores, quaenam penes populum existimatio?

*Respondit*: . . . . .

3. *Interrogata*: Utrum (*e. g.* eam) censeat fide dignam vel contra mentiendi, calumniandi in iudicio et etiam peierandi capacem existimet?

*Respondit*: . . . . .

4. *Interrogata*: Utrum sciat num forte inter (*e. g.* eam) et Sacerdotem quendam ulla extet vel extiterit odii vel inimicitiarum causa?

*Respondit*: . . . . .

Tunc, acto testi debite perfecto, delatoque ei iureiurando de secreto servando, quod praestitit ut supra, dimissus (*dimissa*) fuit,

<sup>1</sup> Quae inter parentheses quadratas inclusa sunt valent in casu quo diligentiae a delegato peragantur.